

Na osnovu člana 55. Uputstva o evidenciji i realizaciji potraživanja građana sa Jedinstvenog računa ("Službene novine Federacije BiH", broj 1/98), direktor Agencije za privatizaciju u Federaciji Bosne i Hercegovine, donosi

**UPUTSTVO  
O IZMJENAMA I DOPUNAMA UPUTSTVA O EVIDENCIJI I REALIZACIJI  
POTRAŽIVANJA GRAĐANA SA JEDINSTVENOG RAČUNA**

**Član 1.**

U članu 3. stav 2. se briše.

**Član 2.**

U članu 5. stav 1. datum: "28.3.1998. godine" se zamjenjuje datumom: "31.7.1998. godine".

**Član 3.**

U članu 6. stav 3. riječi "najkasnije do 8.4.1998. godine" zamjenjuju se riječima: "u roku od tri dana od dana prijema podataka iz stava 2. ovog člana".

**Član 4.**

U članu 7. stav 1. riječi: "najkasnije do 12.5.1998. godine" se zamjenjuju riječima: "u roku od 14 dana od dana prijema validnih podataka iz člana 4. ovog uputstva".

**Član 5.**

U članu 9. stav 1. mijenja se i glasi:

"Nadležne institucije penzijskog i invalidskog-mirovinskog i invalidskog osiguranja Federacije Bosne i Hercegovine (u daljem tekstu: PIO-MIO ) dužne su podatke o stažu osiguranja sa stanjem na dan 28.11.1997. godine dostaviti Zavodu na elektronskom mediju do 15.7.1998. godine".

U članu 9. stav 2. tačka 2. slovo "i" se briše, a iza tačke 3. dodaju se nove tač. 4. i 5. koje glase:

"4) adresa prebivališta ili boravišta i

5) datum i mjesto rođenja."

**Član 6.**

U članu 10. iza riječi "Zavod", dodaju se riječi : "na osnovu naloga Agencije".

**Član 7.**

U članu 12. stav 2. mijenja se i glasi:

" Banka iz stava 1. ovog člana dužna je dostaviti Zavodu podatke o deviznoj štednji građana iz stava 1. ovog člana, koji uključuju i iznos obračunatih kamata, sa stanjem na dan 31.3.1992. godine, preračunatim u DEM i umanjenim za isplate izvršene do 31.12.1997. godine, na elektronskom mediju, najkasnije do 07.8.1998. godine."

#### **Član 8.**

U članu 16. stav 1. datum: " 28.4.1998. godine" zamjenjuje se datumom: " 15.7.1998. godine".

#### **Član 9.**

U članu 17. iza stava 4. dodaju se novi st. 5. i 6. koji glase:

" Agencija je ovlaštena da Zavodu daje nalog za privremenu zabranu raspolaganja potraživanjima, imaoocima Jedinostvenih računa, po osnovu ostvarenih, a neisplaćenih plaća pripadnika Oružanih snaga, kojima je odobren kredit na osnovu ovih potraživanja. Nalog iz stava 5. ovog člana, i nalog za skidanje privremene zabrane raspolaganja potraživanjima, nakon otplate kredita, Agencija daje na osnovu zahtjeva banke i podataka dostavljenih na elektronskom mediju."

#### **Član 10.**

U članu 18. riječi: "najkasnije do 12.5.1998. godine", zamjenjuju se riječima: "po nalogu Agencije".

#### **Član 11.**

U članu 19. stav 1. datum: "do 27.5.1998. godine" zamjenjuje se riječima: "15 dana po davanju naloga iz člana 18. ovog uputstva".

#### **Član 12.**

U članu 22. stav 1. riječi: "nakon okončanja upisa dionica" brišu se.

#### **Član 13.**

U članu 23. datum: "do 20.5.1998. godine", zamjenjuje se riječima: "7 dana prije isteka roka iz člana 19. ovog uputstva".

#### **Član 14.**

U članu 24. stav 1. datum: "do 20.5.1998. godine", zamjenjuje se riječima: "7 dana prije isteka roka iz člana 19. ovog uputstva".

#### **Član 15.**

Član 38. stav 1. mijenja se i glasi:

" Potraživanja prenesena naložima iz člana 34. i člana 36. ovog uputstva, Zavod prenosi na Zbirni račun u skladu sa članom 87. Pravilnika o postupku prodaje imovine, dionica ili udjela preduzeća ("Službene novine Federacije BiH", broj 19/98, u daljem tekstu: Pravilnik)".

#### **Član 16.**

U članu 49. stav 1. tačka 7. riječi: "i preduzećima čije su dionice prodane putem javne ponude dionica, odnosno nazivom Privatizacijskog investicionog fonda iz člana 22. ovog uputstva" brišu se.

Tačka 9. briše se.

Iza stava 1. dodaje se novi stav 2. koji glasi :

" Zavod je dužan dostaviti Agenciji, na elektronskom mediju, izvještaj iz člana 85. Pravilnika."

#### **Član 17.**

U članu 52. iza stava 3. dodaje se novi stav 4. koji glasi :

"Štediške koje ne izvrše verifikaciju iznosa devizne štednje na svom računu u roku iz stava 1. ovog člana i člana 12. stav 2. mogu to učiniti u naknadnom roku od 30 dana od dana dobijanja izvoda iz člana 19. ovog uputstva."

#### **Član 18.**

U članu 53. stav 1. iza riječi "Zavod" dodaju se riječi: "a nadzor vrši Agencija".

U stavu 3. iza riječi "mediju" dodaju se riječi: "i proceduru ispravki iznosa potraživanja iz člana 48. ovog uputstva".

Iza stava 3. dodaje se novi stav 4. koji glasi:

"Agencija može, u cilju blagovremenog i efikasnijeg ostvarenja zadataka iz ovog uputstva preduzimati i druge neophodne radnje u skladu sa zakonom i općim aktima Agencije".

Dosadašnji stav 4. postaje stav 5.

#### **Član 19.**

Ove izmjene i dopune stupaju na snagu danom donošenja, a objavit će se u "Službenim novinama Federacije BiH".